

## রিমাইন্ডার: সম্মান ও মর্যাদা

Asif Adnan

October 20, 2017

1 MIN READ

সম্মান ও মর্যাদার প্রতি আকর্ষণ মানুষের অন্তরের এমন একটি অবস্থা যার মূলোৎপাটন সম্ভব না। মানুষের অন্তরে পশুসুলভ গুণাবলির (পানাহার ও সঙ্গম) প্রতি ঝাঁক ও প্রবণতা আছে। একটি প্রবণতা আছে হিংস্র পশুর গুণাবলীর – যেমন মারা ও হত্যার প্রবণতা। একটি প্রবণতা আছে শয়তানের বৈশিষ্ট্যের – যেমন ধোঁকা ও প্রতারণার। আর একটি ঝাঁক আছে রুবিয়াহতের, যেমন শ্রেষ্ঠত্ব, মাহাদ্ব্য, মর্যাদা ও অহংকারের প্রতি।

যে কারণ সোনারূপা ও ধনসম্পদ মানুষের কাছে প্রিয় ঠিক একই কারণেই পদ-মর্যাদাও তার কাছে প্রিয়। সোনা কিংবা রূপার নিজস্ব কোন আকর্ষণ বা মৌলিকত্ব নেই। এগুলোর প্রতি মানুষের আকর্ষণের কারণ হল, এগুলোর মাধ্যমে কাম্য বস্তু অর্জন করা যায়। অর্থাৎ এগুলো মনের কামনা-বাসনা পূরণের হাতিয়ার। একই কথা সম্মান ও মর্যাদার ক্ষেত্রেও প্রযোজ্য। উচ্চ মর্যাদা হল মানুষের হৃদয় জয়ের অপর নাম। সোনারূপার মাধ্যমে মানুষ যেমন তার লক্ষ্য ও উদ্দেশ্য হাসিল করতে পারে, তেমনি ভাবে উচ্চ পদমর্যাদা দ্বারা লোকদের হৃদয় জয় করার মাধ্যমে মানুষ তার লক্ষ্য ও উদ্দেশ্য হাসিল করতে পারে।

তবে কয়েকটি কারণে সম্মান-মর্যাদার ধন-সম্পদের উপর অগ্রাধিকার আছে। তার মধ্যে অন্যতম কারণ হল, উচ্চ মর্যাদার মাধ্যমে ধন-সম্পদ পর্যন্ত পৌঁছানো যায়। কিন্তু নীচ পর্যায়ে একজন ব্যক্তি, যার মাঝে পরিপূর্ণতার কোন গুণ নেই যদি হঠাৎ ধনসম্পদের অধিকারী হয়, এবং এর মাধ্যমে উচ্চ সম্মান ও মর্যাদা অর্জন করতে চায়, তবে তা তার পক্ষে সম্ভব হবে না।

আল-গায্যালি রাহিমাল্লাহ

ইহ'য়া উলুমুদ্দিন, ওয় খণ্ড